



Broj: 10/E-11-5625/25

Sarajevo: ~~01-10-2025~~ . godine

Na osnovu člana 10. stav (3) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), a shodno zahtjevu Službe za lokalno-ekonomski razvoj i mjesnu samoupravu broj: 11-45-sl/25 od 18.09.2025. godine, Opštinski načelnik d o n o s i:

O D L U K U

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzima se nabavka ukrasnih sadnica drveća, u okviru projekta „Streets for Citizens“, koji se realizuje u okviru transnacionalnog programa Interreg EURO – MED.

Član 2.

Procijenjena vrijednost za nabavku robe iz člana (1) ove odluke iznosi ukupno 16.504,27 KM bez PDV-a, a sredstva su planirana u Budžetu Općine Centar Sarajevo za 2025. godinu, na budžetskom kontu: 613410 – Administrativni materijal i sitni inventar (fond 05713 Projekt Streets for Citizens 1.7.1.7).

Član 3.

Ova Odluka odluka stupa na snagu danom donošenja i bit će objavljena na službenoj internetskoj stranici Općine Centar Sarajevo.

O b r a z l o ž e n j e

Služba za lokalno-ekonomski razvoj i mjesnu samoupravu se obratila zahtjevom broj: 11-45-sl./25 od 18.09.2025. godine, za donošenje odluke o izuzeću od primjene Zakona o javnim nabavkama BiH za nabavku ukrasnih sadnica drveća u okviru projekta „Streets for Citizens“ (robe), koji se realizuje u okviru transnacionalnog programa Interreg EURO – MED.

U zahtjevu se navodi da se, radi potrebe realizacije projekta „Streets for Citizens“, koji se sprovodi u okviru transnacionalnog programa „Interreg EURO-MED“, pokreće postupak nabavke robe – ukrasnih sadnica drveća, kao dio navedenog projekta („Streets for Citizens“).

Nabavka se vrši u skladu sa članom 121. Uredbe Evropske komisije (718/2007 i 80/2010), kojim je propisano da se postupci nabavke koji se realizuju van teritorije Evropske unije, a finansirani su sredstvima EU, sprovode u skladu sa PRAG pravilima za realizaciju nabavki.

Projekat se finansira iz sredstava Evropske unije kroz Interreg Euro-MED program, a finansiranje obuhvata i ugovore o javnoj nabavci, i to u iznosu većem od 50%.

Procijenjena vrijednost nabavke iznosi 16.504,27 KM bez PDV-a.

U sklopu projekta planirana je nabavka roba – ukrasnih sadnica drveća za unapređenje urbanih prostora, s ciljem poboljšanja kvaliteta prostora za zajednicu i podsticanja održive mobilnosti. Ova aktivnost usmjerena je na unapređenje zelenih površina, čime se doprinosi poboljšanju životne sredine, kao i većem angažovanju građana u procesima urbanog planiranja i revitalizacije javnih prostora.

Predmetna nabavka će se provesti u skladu s pravilima Praktičnog vodiča za postupke ugovaranja u okviru vanjskog djelovanja EU - PRAG („EuropeAid“, 12.21, 01.23, 11.23 i 01.25).

Uz zahtjev dostavljen je Ugovor o finansiranju zaključen između Regije Provence-Alpes-Côte d'Azur, Marseille, Francuska, kao Upravljačkog tijela Programa Interreg- Euro-MED i Javne službe Ptuj d.o.o., Slovenija, kao vodećeg partnera, i Sporazum o partnerstvu zaključen između Općine Centar Sarajevo, kao partnera i JS Ptuj d.o.o., Slovenija, kao vodećeg partnera.

U zahtjevu se dalje navodi da je, shodno navedenom, neophodno, prije sprovođenja postupka nabavke, donijeti odluku o izuzeću od primjene Zakona o javnim nabavkama BiH, prema članu 10. stav (3) ovog Zakona, koji omogućava izuzeće u slučajevima kada se sredstva obezbjeđuju putem međunarodnih sporazuma ili projekata, a uvjeti ugovaranja su definisani samim projektom i partnerskim odnosima.

Članom 18. stav (1) Zakona o javnim nabavkama propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi. Stavom (2) istog člana propisano je da, u slučaju izuzeća od primjene iz člana 10. ovog zakona ili kod dodjele ugovora o nabavci usluga iz Aneksa II, ugovorni organ mora donijeti odluku koja, osim zakonske osnove za izuzeće od primjene ovog zakona, sadrži i osnovne elemente iz stava (1) tač. b), c) i d) ovog člana.

Članom 10. stav (3) Zakona o javnim nabavkama propisana su izuzeća od primjene odredbi ovog zakona, pri čemu je navedeno:

„(3) U slučaju ugovora o javnoj nabavci iz stava (2) ovog člana koje u iznosu većem od 50% sufinansira međunarodna organizacija ili međunarodna finansijska institucija, ugovorne strane sporazumijevaju se o primjenjivim postupcima nabavke.“

U skladu s naprijed navedenim, ispunjeni su uslovi za izuzeće od primjene Zakona o javnim nabavkama („Službeni glasnik BiH“, broj 39/14, 59/22 i 50/24), u skladu s članom 10. stav (3) navedenog Zakona.

Analizirajući predmetni zahtjev, utvrđeno je da su ispunjene pretpostavke za realizaciju, odnosno da su finansijska sredstva za ove namjene planirana u Budžetu Općine Centar za 2025. godinu, na budžetskom kontu: 613410 – Administrativni materijal i sitni inventar (fond 05713 Projekt Streets for Citizens 1.7.1.7).

Shodno zakonu i općim aktima Općine, Općinskom načelniku dostavlja se prijedlog Odluke o izuzeću od primjene Zakona o javnim nabavkama BiH na konačno odobravanje i saglasnost.

Cijeneći prethodno navedeno Općinski načelnik je donio odluku kao u dispozitivu.



Dostaviti:

1. Službi za LER i mjesnu samoupravu - ovdje
2. Kabinetu općinskog načelnika - Odsjek za javne nabavke
3. Službi za finansije
4. Evidenciji